



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) Skupština Brčko distrikta BiH, na 26. redovnoj sjednici održanoj 8. juna 2022. godine, usvaja

ZAKON
O IZMJENAMA I DOPUNAMA ZAKONA O PRAZNICIMA
BRČKO DISTRIKTA BiH

Član 1

U Zakonu o praznicima Brčko distrikta BiH (Službeni glasnik Brčko distrikta BiH, broj 19/02) član 4, mijenja se i glasi:

„Član 4

(1) Sve institucije Brčko distrikta BiH, preduzeća, preduzetnici i druga pravna lica neće raditi tokom praznika Distrikta.

(2) Izuzetno od odredbi stava 1 ovog člana, subjekti koji se bave pružanjem vitalnih usluga ili čija priroda djelatnosti zahtijeva neprekidan rad, kao i subjekti čija djelatnost služi zadovoljenju potreba zajednice, mogu da rade i u dane praznika Distrikta.

(3) Gradonačelnik i predsjednik Pravosudne komisije dužni su izdati uputstvo kojim se određuje vrsta, obim i raspored rada subjekata iz stava 2 ovog člana.

Član 2

Iza člana 5 dodaju se članovi 5a i 5b koji glase:

Član 5a

Nadzor nad primjenom ovog zakona vrši inspektor rada.

Član 5b

(1) Novčanom kaznom u iznosu od 5.000 KM do 10.000 KM kaznit će se za prekršaj pravno lice ukoliko postupi suprotno članu 4 ovog zakona.

(2) Novčanom kaznom u iznosu od 1.000 KM do 4.000 KM kaznit će se za prekršaj preduzetnik ukoliko postupi suprotno članu 4 ovog zakona.

(3) Za prekršaj iz stava 1 ovog člana kaznit će se i odgovorno lice u pravnom licu novčanom kaznom u iznosu od 1.000 KM do 2.000 KM.“

Član 3

Ovaj zakon stupa na snagu osmog (8.) dana od dana objavljivanja u Službenom glasniku Brčko distrikta BiH.

Broj: 01-02-2733/22

Brčko, 8. 6. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić